



Publicaziuns dalla vischnaunca, jamna 27

Lubientschas da baghegiar

L'istanza da baghegiar ha concediu suandontas lubientschas da baghegiar:

2013-1028.000

Toni Columberg-van den Heuvel, Via Clis 23, 7180 Disentis/Mustér; sanaziun dil plaz e dalla via avon nuegl, cuvrída cun crappa da salischada, parcella 540, Via Clis 23, 7180 Disentis/Mustér.

2013-1029.000

Reto Schnoz-Demont, Gassa da Cuoz 29, 7186 Segnas; sanaziun dil baghetg cun midada d'intent, parcella 1211, Gassa da Cuoz 25, 7180 Disentis/Mustér.

Disentis/Mustér, ils 1-7-2013

Uffeci da baghegiar Disentis/Mustér

Viafier Matterhorn Gottard

Lavurs da manteniment durant la notg

Muort lavurs urgentas da manteniment vid ils binaris dil trassé dalla Viafier Matterhorn Gottard vegn luvrau durant las suandontas notgs sin il territori dalla vischnaunca da Mustér:

**mintgamai il gliendisdis/mardis notg entochen venderdis/ sonda notg,
naven dils 10 da zercladur entochen ils 3 d'uost 2013.**

Ei vegn dau breigia da reducir las immissiuns da canera sin in minimum. La Viafier Matterhorn Gottard engrazia ordavon per la capientscha.

Per ulteriur sclariment stat Guido Monn, menader d'infrastructura Ursera/Surselva, bugen a Vossa disposiziun.

Administraziun communal

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118.

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!

Vos pumpiers Sursassiala



Center sursilvan d'agricultura

Proximas occurrenzas

13 da fenadur

Vernissascha dalla exposiziun «Geissen – die Landschaftspfleger der Alpen» ell'ustria «Caischedra» a Mustér. L'exposiziun cuoza tochen ils 20 d'october.

4 d'uost:

Fiasta alpestra sin l'alp Glivers sur Sumvitg.

21 ni 28 da settember:

2. zavrada da nuorsas a Salaplauna

2 e 9 da november:

Apoteca da casa homeopatica. Cuors da dus avonmiezdís ella «Stiva Salaplauna».

7 da november:

Di da latg da pausa

Dapli informaziuns e programs detagliai sut:
www.agricultura.ch

Biblioteca populara Disentis/Mustér e contuorn **Liug da rimnada: muments da ventira**

Duront las vacanzas da stad 2013 daventa la biblioteca il liug da rimnada per Vos muments da ventira. Viver il mument! Nus tuts enconuschein quella parola – Darar vivin nus leusunter. La biblioteca fa remedura.

Duront la stad 2013 rimnein nus Vos pigns e pli gronds muments da ventira, nus dein al cletg ina vusch. In toc pupi ed in fleter tonschan. Vegni sperasvi e parti Vos muments da ventira cun auters – e legi con pauc ch'ei drova per esser in mument ventireivels.

Nus selegrein sin Vossa viseta!

Biblioteca populara Disentis/Mustér e contuorn
